

885'

K0147816

1

IDENTIFICATION : M/885
19/3/94

DURÉE : 60 Min

QUALITE : Bonne

TRANSMISSION : Radio-Rwanda

NOM DU TRANSCRIPTEUR : UWIMANA Rosine

DATE DE TRANSCRIPTION : Le 17/01/2000

NOM DU FICHIER : M/ 885

DICTAPHONE : S/N°516567

K0147817

2

FACE A

Orateur : Non identifié.

...amatwi Radiyo Rwanda mwiriweho, mukomeze mugire umugoroba mwiza. Aho Ministre w'intebé w'Inzibacyuho yaguye Bwana Fawusitini TWAGIRAMUNGU atangarije amazina yaba kandida ministre ba Guverinoma y'Inzibacyuho yaguye, twashatse kumenya uko abanyepolitike babyakiriye. Kuri uyu mugoroba turabagezaho ikiganiro kirambuye twagiranye n'abanyepolitike babiri aribo Bwana Yusitini MUGENZI Président w'ishyaka PL na Bwana TWAGIRAMUNGU Fawusitini Ministre ugomba kuyobora iyo Guverinoma y'Inzibacyuho yaguye. Twaganiriye mbere na mbere hano muri sitidiyo za Radio Rwanda na Bwana MUGENZI Yusitini ikiganiro mugiye gutega amatwi mu kanya katarambiranye. (Intermède musical).

Orateur : Non identifié.

Yusitini MUGENZI Président w'ishyaka PL tukaba turi kumwe hano muri sitiduyo ya Radiyo Rwanda nyuma rero yibyaraye bitangajwe na Ministre w'intebé w'Inzibacyuho yaguye TWAGIRAMUNGU Fawusitini nkeka ko, ntashidikanya ko mwabyumvise mw'ishyaka PL mwabyakiriye mute ?

Orateur : MUGENZI Yusitini.

E... urakoze kumbaza icyo kibazo, ngira ngo kubaza gukurikira amakuru ngira ngo baraza kumva itangazo twatanze twababaye cyane. Twababaye cyane kuko twasanze uwo muntu twari twaragiriye icyizere gikomeye tukamushyigikira kugira ngo abe kandida wo kuzayobora Leta y'Inzibacyuho yaguye amagambo yatangaje yadukojeje isoni. Twasanze d'abord uretse icyo mu

gifaransa bita le fond, la forme yonyine iteye agahinda.

(Mbese ni ukuvuga uko byari biteye, mwasanze imvugo...) Twasanze imvugo ari ibitutsi gusa ari incyuro nsa atari amagambo y'umutegetsi. Ntabwo nabisubiramo kuko ngira ngo naba mbaye nkawe. Birababaje rero, ubu turibaza niba dufite ministre w'intebe wo kuzayobora Guverinoma ihuriwemo n'amashyaka, ihuriwemo n'amakimbirane yibisanzwe muri Guverinoma y'ibisanzwe mu gihugu nta kwiyongeraho Inkotanyi. Ibyo bintu birababaje biteye inkeke ubu byateye Abanyarwanda be... benshi kongera kwibaza. Turibaza byinshi cyane kuri uriya mugabo.

.....2.6.

Orateur : Non identifié.

Tugarutse rero kuri ayo magambo yatangajwe na Ministre w'intebe TWAGIRAMUNGU Fawusitini hari liste yashizwe ahagaragara yerekerye n'abo yifuza ko bazamufasha muri Guverinoma y'Inzibacyaho yaguye, mu ishyaka PL iyo liste mwayakiriye mute?

Orateur : MUGENZI Yusitini.

Twasanze mubibabaje n'icyo ngi'cyo kirimo. Kuko twasanze TWAGIRAMUNGU Fawusitini ashaka gukinisha Abanyarwanda. Iriya liste ntawe yayumvikanyeho nawe, habaye inama nyinshi izo nama zabayemo impaka ariko zashojwe n'inama Président wa repubulika yakoresheje amashyaka yose ari muri Guverinoma ibyumvikanyeho ntaho bihuriye na biriya TWAGIRAMUNGU yakoze. N'ibigaragaza rero yuko TWAGIRAMUNGU ngira ngo yumvise ko izina rye ryanditswe mu masezerano ya Arusha asanga asumba ibintu byose, asumba abantu bose agomba gusuzugura abantu bose. Ntabwo ashobora gusuzugura Abanyarwanda bene kariya kageni, ntabwo ashobora kwemera, ntabwo twashobora kwemera ko asuzugura Président wa repubulika bene buriya buryo. Ntabwo dushobora kwemera yuko umuntu twishyiriyeho, umuntu twishyiriyeho n'ishyaka rye ritamwemera, muziko twamushyizeho rwampaka n'ishyaka ritabyemera none niba ugiye kujya hejuru y'amashyaka, agiye hejuru y'Abanyarwanda bose afashe ubutegetsi Abanyarwanda bakuye muri révolution ya 59 arushubije Inkotanyi.

K0147819

4

Orateur : Non identifié.

Hari abavuga ko byose byapfuye nyine mumushyiraho n'ishyaka rye ritamwemera.

Orateur : MUGENZI Fawusitini.

Nibyo koko. Ngira ngo mu Gatulika niho bavuga masengesho bavuga bati " mea culpa mea culpa" mea culpa koko, twamushyizeho rwampaka none aragidukoze. Ariko rero ibintu bigomba kugira igaruriro ntabwo TWAGIRAMUNGU ashobora kugandagura Abanyarwanda bose muri buriya buryo, wareba ibyo Inkotanyi zikorera muri zone bavuga ngo ni mu gace katarangwamo intambara,

..... 4.4.

murareba abantu ejo bundi bapfiriye i Kinihira ntanicyo yigeze abivugaho, Guverinoma ntacyo yigeze ibivugaho, Guverinoma ya Agata Abanyarwanda bose baravuga bati nta Guverinoma tugifite, ari Agata ari TWAGIRAMUNGU bose n'ibyitso by'Inkotanyi. Abantu bacu Inkotanyi zirabica cyangwa barapfa kuburyo budasobanutse bakicecekera none ngo TWAGIRAMUNGU afashe ministère y'ubutegetsi ayongereho, ministère y'ubutabera yari isanzwe muri Parti libéral ayijyane mu Nkotanyi, urumva se ibyo twabivugaho iki? Ntabwo tubyemeye.

Orateur : Non identifié.

Kuri iyo ministère y'ubutabera mugaragaza mute ko e... TWAGIRAMUNGU ashaka kwijyana mu Nkotanyi ko twabigaruka nyine no kumyanya yahariwe ishyaka PL mu nteko yaguye.

Orateur : MUGENZI Yusitini.

Igituma twemeza yuko ayijyane mu Nkotanyi n'uko uwo yayihaye, uwo yahaye iyo ministère n'umuntu tuzi neza yuko ari muri kagaco k'abantu bigometse kw'ishyaka bakiyegurira FPR,

K0147820

5

FPR nayo ikaba ibaburanira inkundura ngira ngo uzi yuko icyahagaritse izi nzego kujyaho n'uko FPR yakomeje kuburanira bariya bantu ngo babone imyanya iyi n'iyyi y'ubudepite babone iyi n'iyingi yaza ministère. Ibyo bintu nta Munyarwanda ushidikanya yuko NDASINGWA n'abantu bamukurikiye bakorere Inkotanyi, bakorera FPR ntabwo rero dushobora kwemera yuko ibirenze ibyo twumvikanyeho mu masezerano cyangwa muri ya mishyikirano yabaye ku itariki 27 mu nama Président wa repubulika yahurijemo amashyaka yose ari muri Guverinoma. Ntabwo dushobora kwemera yuko hagira ikirengaho ngo TWAGIRAMUNGU acyikorere ku giti cye nuko afashe iyi ministère ayihaye bariya bantu. Ntabwo bishobora kwemerwa, kandi turiringira neza yuko Abanyarwanda bose aho bari batwumva, bahagurukira rimwe kugira ngo baryanye icyo kintu iriya ministère ntabwo igomba kujya mu Nkotanyi niyo byagenda bite.

Orateur : Non identifié.

E... musobanura mute ko nyine icyo abantu bakunda kucyibazaho mugira muti iriya ministère mu

.....6.3.

by'ukuri mbese mukumuhitamo tuvuge nk'uriya mu ministre (Inaudible).....
mukumuhitamo se mwaba mwaragirishijwe inama cyangwa byagenze bite ?

Orateur : MUGENZI Yusitini.

Ndakubwiye gusa yuko ngo yi yemeje kugira ministre w'Umututsi w'undi ashyiramo tumubwira yuko ibintu by'Abatutsi bitari mu masezerano ya Arusha ko twebwe dutekereza yuko Abanyarwanda bose iby'amoko bigomba kuba bishyizwe iruhande kuko amasezerano ya Arusha bavuze yuko ntawugomba kwitwaza ubwoko cyangwa akarere, noneho ati ndashaka iyo ministère kuiha Umututsi ngo n'uguca agahigo, ngo n'uguca agahigo kuko ngo numvise hari abantu bamwe bavuga ko iyo ministère idatekwa n'Umututsi. Twebwe ntabwo ari iby'abatutsi tureba turareba abahereye ku Nkotanyi. Icyo turwanya n'ukwimura ubutegetsi bwite

bw'Abanyarwanda tukaburunduriraho byose mu Nkotanyi. Inkotanyi zaba iz'Abahutu zaba iz'Abatutsi, Inkotanyi tuzita Inkotanyi ntituzita Abatutsi. Izo Nkotanyi muzi aho zaje zituruka n'abantu baje barwana bashaka gufata ubutegetsi ku ngufu, twebwe ntabwo turi ku by'amoko kuko KANYARENGWE uzirangaza imbere n'Umuhutu w'i Bukonyi hariya turamuzi, BIZIMUNGU uzivugira n'umuhutu w'i Bushiru turamuzi wenda n'abo ngabo gusa ariko abo n'ibo tuzi, ntabwo rero turi ku gitija amoko turi ku kintu cyo kureba Inkotanyi zaje zirwana na Guverinoma y'u Rwanda none Inkotanyi zabonye ministère y'ubutegetsi bw'igihugu ngo ugiye kuzongeraho na justice ntibishoboka.

Orateur : Non identifié.

Iyo musesenguye musanga ku buryo bwa politike impamvu icyo gice nacyo cyiyite kuri ministère y'ubutabera yaba ari iyihe?

Orateur : Mugenzi Yusitini.

Impamvu ntabwo tuyisobanukirwa neza uretse yuko umubonano twigeze kugirana na Ministre w'intebé w'Inzibacyuho yaguye TWAGIRAMUNGU Fawusitini yatubwiye ati erega! Ministère y'ubutabera muyibagirwe. Murabona se ko révolution dushaka gukora twayikora dute tudafite8.5.

ministère yi... y'ubutabera. Ni ukuvuga rero ko bafite programme ndende, bafite programme ndende tutazi programme inyuranye n'iyemejwe mu masezerano ya Arusha, ibiteganyijwe mu masezerano ya Arusha ngira ngo urabizi, programme n'uko iyo Guverinoma y'Inzibacyuho ifite inshingano yo gucyura impunzi, yo gusubiza abakuwe mu byabo babivanywemo n'intambara cyangwa n'imvururu yo kugerageza kugandura ubukungu bw'igihugu, gutegura itegeko nshinga, gutegura itegeko ry'itora mu mezi 22 ibyo bikaba birangiye tukajya mu matora. Iyo révolution yindi TWAGIRAMUNGU avuga ashaka gukora we n'Inkotanyi ntabwo tubizi, n'icyo gituma twebwe tu... tuburana dushingana yuko iyo ministère itagomba kutuvaho, tugomba gukorera

Abanyarwanda ntigomba kujya gukora révolution Inkotanyi zifite. Nta révolution yindi twumvikanyeho mu masezerano ya Arusha ni ugushinga umuzi wa demokarasi ntabwo ari révolution yindi. Ibyo TWAGIRAMUNGU afite programme afitanye n'Inkotanyi na Landuwardi NDASINGWA ibyo ni ibyabo ntabwo twebwe tubishygikiye.

Orateur : Non identifié.

Ni ukuvuga se ko e... mwifuza iki ubu ngubu muri Parti libéral kugira ngo igihugu kive mu gihirahiro.

Orateur : Mugenzi Yusitini.

Turifuza yuko TWAGIRAMUNGU yashira mu gaciro niba ashaka gukora uwo mulimo koko nk'uko yawemerewe n'amasezerano ya Arusha, nashyre mu gaciro yumve ibyo amashyaka amubwiye. Areke kugenda ashakisha ngo udutsiko twabitandukanye n'ishyaka kuko ni twinshi, azabona twinshi. Ni yicare hamwe yumve ibituruka muri PSD, ni yicare hamwe yumve ibituruka muri PDI, ni yicare hamwe yumve bagenzi be bo muri MDR maze areke kongera umuriro kuri Parti libéral. Kugira ngo rero inzego zijiye neza ni yumve icyo ubuyobozi bwemewe n'amategeko bw'ishyaka bumubwira. Nibitaba bityo iyo Guverinoma ntazapfa ayitegetse; twebwe turifuza yuko yashyira mu gaciro akumva ibyo ubuyobozi bw'ishyaka bwite bumubwira. Twebwe muri Parti libéral twari twaremeye koroherana na bariya bantu, ariko ejo bundi narabivuze nti nakomeza kwigira nabi, ni

.....10.7.

bakomeza gushaka kurenza ibya Mirenge tuzisubiraho, dusubirane iby'ishyaka ryacu ryagenewe iyo myanya uko ari cumi n'imwe y'abadepite ngira ngo wamenye yuko umwe ejo bundi bamugandaguriye i Kinihira ngashaka undi, ariko ni byumvikane neza yuko iyo myanya uko ari cumi n'umwe n'imyanya y'aza ministères eshatu niya Parti libéral ni twebwe duhagarariye Parti libéral ibyo TWAGIRAMUNGU ajya gutabira ngo ashyigikiye Landuwardi NDASINGWA ngo

ashyigikiye Inkotanyi ibyo amenye yuko amaherezo bizamupfubana ntabwo tuzakomeza kubyemera (biramatse se...)n'uko n'ubu twari tutarisubiraho, ashize mu agaciro twabikomeza ariko nakomeza kuburana urwantambi bizahinduka.

Orateur : Non identifié.

Ni bidashoboka se murateganya kuzarengera inyungu zanyu mute ?

Orateur : MUGENZI Yusitini.

Erega inyungu sa... zazu uvuga turengera twebwe ntabwo turengera inyungu za Parti libéral urumva ko icyo kibazo cya Ministère y'ubutabera ni ikibazo cy'Abanyarwanda bose nawe urimo nturi muri Parti libéral ariko tekereza umunsi Inkotanyi zaguhagaze hejuru bourgmestre ari Inkotanyi, procureur ari Inkotanyi umbwire aho uza... uzagana, uzabariza he?

Orateur : Non Identifié.

Ahubwo hari n'abavuga bati nyamara hari ikintu cy'ugutinyatinya ndetse bakavuga bati ese iyo Minisiteri y'ubutabera muyiretse bati noneho mukaba mwafata tuvuge nka.... Présidence ya..mmu nteko ishinga amategeko hari abantu nk'ejo babivugaga ibyo murabitekerezaho iki muri Parti Libéral?

Orateur : Justin MUGENZI.

Kwaba ari ukugereranya ibitareshya Présidence y'inteko ishinga amategeko ni ikintu gikomeye koko ni umwanya ukomeye cyane nawo turifuza kuwubona uretse ko muri bwa bworoherane twari twemeye yuko urwo ruhande ruwufata ariko ni...nihakoma gato tuzawugarukana. Naho Minisiteri y'ubutabera ni ubuzima bwa buri munsi bw'Umunyarwanda

.....12.8.

Mu nteko ishinga amategeko mu nteko ishinga amategeko dushobora kwizera yuko Abadepites bagiyemo bazagerageza uko bashoboye kugira ngo inteko itabogama kuko hagiyemo abagabo benshi b'inta...(inaudible) bazagerageza kugarura ibintu kugira ngo botabogamira mu Nkotanyi cyane. Ariko gufata Ministère y'ubutabera ukayihereza Inkotanyi ni ukuvuga ko abaturage Abanyarwanda bose ubahereje mu Nkotanyi ngo ni zitegekere uko zishaka ubutegetsi ni ubwabo Ministère de l'intérieur ni iyabo, Gendarmerie ni iyabo none n'ubutabera urabubahaye, uwajyaga kuzajya arenganywa na Bourgmestre w'Inkotanyi, uwajyaga kuzajya arenganywa na Préfet w'Inkotanyi, uwaza...uwajyaga kuzajya aburana n'abajandarume b'Inkotanyi yajyaga nibura ajya kuri Parike akagira ati nyabuna eka ni muntabare. Nonese niwamara kubyemerera byose Inkotanyi bizagenda bite? Ese iyo Révolution nakubwiye TWAGIRAMUNGU afite nzi izagana he? Twebwe ntabwo ari ubwoba ahubwo turacyenga. Turacyenga tugasanga ibyo TWAGIRAMUNGU arimo n'Inkotanyi atari ibishakira Abanyarwanda amahoro ni ibishakira Abanyarwanda imvururu z'ubudaca. Twebwe turifuza yuko iyo Minisiteri cyangwa Minisiteri twahawe kuyobora zayoborwa neza mu buryo bwa Parti Libéral uko twakayiharaniye twaharaniye ubutabera, turashaka ko Ministère y'ubutabera ikora ariko ngira ngo n'ubu ng'ubu uzi ko umugambi w'Inkotanyi uciye muri Madame UWILINGIYIMANA Agata wahagaritse ibintu byose mu nkiko. Uzi yuko inama ee... (nkuru) nkuru y'ubutabera "Conseil Supérieur de la Magistrature" uzi ko yahagaze kubera inyandiko za Madame UWILINGIYIMANA ngo abishigikiyhemo n'Inkotanyi na Kavaruganda ngo.. Ngo iyo nama ihagarare? Inkiko nyinshi ntizingira abacamanza, inkiko nyinshi ntizingira Abaprocureurs ibyo byose biraterwa n'uko bariya bantu umugambi bafite Abanyarwanda bari bakwiye kuwujukira ahubwo bakawureba umugambi wabo urakomeye cyane Abanyarwanda ni batareba neza barashize.

Orateur : Non Identifié.

Mu gusoza ndagira ngo mbabaze niba aho muri Minisiteri y'ubutabera haba hari izina ee...mwaba mwaragenye muri Parti Libéral ry'umuntu wazayobora iyo Minisiteri?

..... 15.2.

Orateur : Justin MUGENZI.

Ntabwo bikomeye kuko iyo Minisiteri hari Umuministre uyimazemo amezi ngira ngo arindwi cyangwa umunani ee.. Madame Agnès NTAMABYARIRO niwe ishyaka ryashatse yuko akomeza kuriyobora muri iki gihe cy'Inzibacyuho.

Orateur : Non Identifié.

Nyuma twagiranye ikiganiro ku buryo burambuye dukoresheje uburyo bwa telefoni na Ministre w'intebé w'Inzibacyuho yaguye Bwana Faustin TWAGIRAMUNGU ari nacyo tugiye kubagezaho mu kanya katarambiranye.

(Musique)

Orateur : Journaliste de Radio Rwanda.

Nyakubahwa Ministre w'intebé wa Guverinoma w'Inzibacyuho yaguye ejo mwatangaje ijambo muri Radio Rwanda mutangaza ndetse n'abakandida Ministres ba Guverinoma y'Inzibacyuho yaguye. Hari abavuga ko rero uburyo mwatangaje amazina y'abakandida Ministres bumeze nkaho yaba ari coup d'Etat abo bakaba basanga ko byashobora kuba byiza ko mwashoboraga kuba ayo mazina mwayashikiriza Perezida wa Repubulika nawe akamenya abo bakandida Ministres mbere yuko ahari atangazwa mu maradiyo ibyo murabitekerezaho iki?

Orateur : TWAGIRAMUNGU Fawusitini.

Ibyo icyo mbitekerezaho ni uko ari ibinyoma ibyo byerekeranye na coup d'état byo ndumva ari amagambo abantu bamwe bakomeje gukoresha no kugira ngo batere ubwoba nkaba rero ngira ngo muri iki gihe cya politike tugezemo ibyo by'iterewbowa ababikoresha babe bafashirije hasi. Ibyo nakoze nabikoze nkurikije amasezerano ya Arusha kandi ayo masezerano abimpere

uburenganzira.

..... 16.7.

Ubwo burenganzira rero nkaba niyumvira ko ntawe tubusangiye kuburyo bya...nkurikije uko nabuhawe. Abavuga rero ko ngo ari coup d'Etat ni uko batazi ibikorwa kandi biteganijwe nayo masezerano ni uko bamwe badasoma ayo masezerano ni uko nabayasoma basoma ibyo bishakiye ahubwo ntibakurikize ibyo badusaba. Ibyo nakoze ejo rero numva byari ngombwa cyane cyane ko uko maze kubivuga mbihabwa uburenganzira n'ya masezerano ikindi nkaba ngira ngo nkwibutse ko itangazo ryashizwe ahagaragara n'umuahuza wumvise avuga ko hari ibyo Ministre w'intebé wa Guverinoma y'Inzibacyuho yaguye agomba gukora kandi aherwa uburenganzira n'ayo masezerano. Numva rero ako kazi ntabwo twagombye kukagira impaka kokuba nashyikiriza Abanyarwanda amalistes y'abantu numva bagomba kuzamfasha muri iriya Guverinoma y'Inzibacyuho yaguye. Ikindi nongeraho ni uko abenshi batarasobanukirwa ngo bamenye ko ayo malisite mu by'ukuri nta kindi numva ngomba kuyavuganaho na Perezida wa Repubulika kubera ko twayavuganyeho nawe ku buryo buragije. Nagira ngo nibutse rero Abanyarwanda n'Abanyarwandakazi batwumva ko ku itariki ya mirongo itatu z'ukwezi kwa cumi na kabiri umwaka w'igihumbi kimwe magana cyenda na mirongo icyenda na gatatu ibyerekeranye n'ayo malisite Perezida wa Repubulika twarabivuganye. Ku itariki ya makumyabiri n'imwe z'ukwezi kwa kabiri umwaka w'igihumbi kimwe na magana cyenda na mirongo cyenda na kane Perezida wa Repubulika ibyo ayo malisite twarabivuganye. Ku itariki ya makumyabiri na gatatu z'ukwezi kwa kabiri umwaka w'igihumbi kimwe magana cyenda na kane nkurikiranye n'ayo malisite na none twongeye kubivugana na Perezida wa Repubulika. Ikindi nongeraho amashyaka na FPR ngira ngo mbibutse ko amwe muri ayo mashyaka yagiye atangaza amazina yabazagira Guverinoma y'inzibacyuho yaguye. Ubwo se ngo ibanga ririmoneho ngo ni irihe? Ko n'ishyaka MRND ryafashe iya mbere rigatangaza ayo mazina ubwo murumva amabanga akirimo ni ayahe? Kubera ko noneho nafashe amashyaka yose nkayashyira hamwe ubwo ngo niyo bita coup d'Etat. Ndagira ngo ngusobanurire neza. Ntagitangaza kiri muri ayo malisite ngira ngo abenshi ahari icyo bibaza n'ibyerekeranye n'ishyaka PL. Kubyerekeranye rero n'ishyaka PL ndagira ngo nibutse abo ngabo badasobanukiwe batazi n'uko Ministre

K0147827

12

w'intebe wa Guverinoma y'Inzibacyaho yaguye abonana na Perezida mbabwire ko ibyerekeranye n'iryo shyaka nabivuganye na Président ku itariki ya gatatu z'ukwezi kwa kabiri umwaka w'igihumbi kimwe magana cyenda mirongo cyenda na kane.

..... 19.9.

Orateur :Non Identifié.

Eee.. muravuga ko mwagiranye imishyikirano na Perezida wa Repubulika mukabivuganaho ibyo amalistes abantu rero bakibaza niba mwarabyumvikanyeho.

Orateur : Faustin TWAGIRAMUNGU.

Eee.. nagira ngo nkubwire ko Perezida wa Repubulika na Ministre w'intebe ntaho amasezerano ateganya ko bagomba kubyumvikanaho. Icyo amasezerano ateganye ni uko gusa Perezida wa Repubulika abo yumva atazishimira azareka kubasinyira bityo noneho nihashira iminsi itatu Ministre w'intebe abasinyire nkaba rero ngira ngo ntaho numva rwose twanyuranije n'amasezerano ahubwo iyaba wavugaga uti hari aho bateganya ko muri ayo masezerano Ministre w'intebe agomba gushyikiriza ayo malisite Président wa Repubulika akayajonjora akamusubizamo kugira ngo muhe abandi bakandida. Ntaho biteganiwe rero na hamwe. Nkaba rero kuri iki kibazo cyerekeranye n'ishyaka PL nibutse ko kuri makumyabiri na gatatu z'ukwezi kwa kabiri narakivuganye na Président wa Repubulika kandi ngira ngo nawe arabizi namubwiye ko ibyerekeranye n'iyo liste cyane cyane abakandida nahawe n'abagize ishyaka rya PL ntazabasubiramo. Ikindi rero ni uko ku byerekeranye na MDR nkuko nabonye aribyo bishya ntabwo numva ko ngomba kubaza Perezida wa Repubulika abo ngomba gushyira kuri liste y'abarwanashyaka ba MDR bazaza kuba ba Ministres kandi batanzwe n'ishyaka. Icyo kibazo ngira ngo na Perezida wa Repubulika arakizi ahubwo bigeze no gutandukira batanga atangazo bavuga ko ngo naba naremeye babiri. Ndagira ngo nibutse ko icyo gihe nta babiri nari nemeye ahubwo nari navuganye nabo ko nshobora kujya impaka ku bakandida bazajya mu myanya ibiri

K0147828

13

gusa noneho rero bikaba byarakozwe kandi bikorwa hakurikijwe liste yatanzwe n'iryo shyaka harimo abantu cumi ntoranyamo babiri nkuko abenshi babyifuzaga ndetse nkuko Perezida wa Repubulika yabyifuzaga avuga ati muri Démocratie ni byiza ko abo bantu batanga ayo malistes maze nkuko amasezerano abiteganya Ministre w'intebé wa Guverinoma y'Inzibacyaho yaguye agatoranya. Ibyo rero narabikoze.

..... 22.1.

Orateur : Journaliste de Radio Rwanda.

Eee.. tugarutse gato ku bakandida Ministre bo mu ishyaka PL hari umukandida Ministre Abayobozi b'ishyaka PL batubwiye ko atigeze atangwa n'iryo shyaka uwo akaba ari uwitwa NIYOYITA Aloyizi ibyo murabivugaho iki?

Orateur : TWAGIRAMUNGU Fawusitini.

Eee... nagira ngo twibukiranye, kwibukiranya rero ni ukuvuga ko ibyerekeranye n'ishyaka PL uko biteye muri iki gihe ntabwo nakwirirwa mbisesengura. Ngira ngo Abanyarwanda n'Abanyarwandakazi benshi bazi uko iryo ishyaka rimeze ubu ng'ubu. Barabanjije bati reka turebere ibibazo byacu mu byo bita comité exécutif provisoire ni ukuvuga ee..comité iyobora iryo shyaka ku buryo bw'agateganyo. Abo rero nibo twakomeje kujya tubonana ku buryo ahari bagizwe na Président bakagirwa na Vice Premier Président bakagirwa na Vice Président wa kabiri bakagirwa na ... n'umunyabanga mukuru ni uko ibyo bintu biteye. Ibyerekeranye rero n'ayo ma congrès rero yabaye mu kwezi kwa cumi na kabiri ngira ngo ari ubutabera ri n'Abanyarwanda nta numwe wigeze wemera izo congrès. Bityo rero nibamenye Abanyarwanda n'Abanyarwandakazi noneho ko muri iryo shyaka harimo ibice bibiri. Ibyo bice bibiri kandi bikaba byaremewe na Président ubwe. Nkaba rero ngira ngo nkumenyeshe ngo abakandida badatangwa n'umuntu umwe gusa. Perezida w'ishyaka Yusitini MUGENZI muri urwo rwego rwa komite y'agateganyo kubera ko habonetsemo ibice bibiri byarumvikanye ko abo bantu twagiye tuvugana nabo muri ibyo bice byombi. Nkaba rero narafashe amazina nahawe n'ibyo

bice byombi kandi akaba ariko byemejwe nabo akaba ariko babyiyemerera. Ubwo rero NIYOYIYITA ntabwo ari MUGENZI, ari na NDASINGWA ntabwo bahakana ko ari umurwanashyaka wabo kandi akaba yaratanzwe n'urwo rwego maze kugusobanurira. Gusa uwavuga ngo nta mwemera nkuko numvise MUGENZI abivuga mu itangazo rimeze nk'impuruza noneho ngo ahamagara Abahutu bose ngo bamufashe, ngo kubera ko ngo yibutse noneho ibya mirongo itanu n'icyenda yigeze guhakanira i Nyamirambo muri mirongo icyenda na rimwe ubu noneho yabibutse ngo mumfashe rwose Révolution yindi iraje itari iya mirongo itanu n'icyenda iyo Révolution rero ngo ikaba ari iyo kuba bamushyikiriza ngo Minisiteri y'ubutabera. Ndagira rero ngo bene ubwo buriganya burangirire mu Banyarwanda, burangire rwose kubera ko Umunyarwanda ahari hose kandi agahabwa iyo myanya bikurikijwe amategeko agenwa n'amasezerano ya Arusha ntabwo umuntu umwe ariwe ushobora kubivuguruza. (Inaudible). Ndagira ngo nongere nongereho ko ntabwo iki gihugu gishobora gukomeza kujya mu gihirahiro kubera ubushake bwa bamwe ejo ni byo ejo navuze..

.....24.9.

Ntabwo....(inaudible)kubera NIYOYIYITA cyangwa se ngo tugume mu gihirahiro kubera MUGENZI.

Orateur : Journaliste de Rdaio Rwanda.

Ego baravuga yuko Ministre w'intebé w'Inzibacyuho yaguye nta burenganzira afite na busa bwo kujya mu barwanashyaka b'ishyaka cyane ritari irye. Ibyo murabivugahi iki?

Orateur : Faustin TWAGIRAMUNGU.

Ndagira ngo nkumenyeshe ko ubwo burenganzira bwo kujya mu mashyaka mu by'ukuri ngufite. Ntabufite ntabwo bavuga ko nkuko ingingo ya mirongo itanu na kabiri ivuga, ivuga ko tugomba kubonana n'ibyo bita "forces politiques": Ni ukuvuga rero abarwanashyaka cyangwa se abanyapolitiki bityo rero nkaba ngira ngo umenyi ikintu cya ngombwa gikomeye kandi kigomba kwitonderwa, ntabwo iryo shyaka PL rigifite ubumwe. Ntabwo Yusitini MUGENZI akiri umuvugizi w'abaranashyaka bose b'ishyaka PL ibi byumvikane bityo.

Orateur : Journaliste de Radio Rwanda.

Ariko Nyakubahwa Ministre w'intebe ingingo agenderaho ni nkizo namwe mugenderaho iyo muvuga muti turi Représentant légal w'ishyaka rya MDR.

..... 26.0.

Orateur : Faustin TWAGIRAMUNGU.

Ibyo bya représentation légale nashatse kubikoresha ntibyafata, dusanga ari ngombwa ko tuvugana n'abarwanashyaka bose. Ibyo rero ndumva ntakwirirwa mbigarukaho. Akaba ariyo mpamvu nandikiye ishyaka MDR. Njyewe ubwanje ntanubwo ari nabo babyitekerereje. Mvuga ko bagomba kumpa amalistes y'abakandida kandi mbasaba amalistes, mbasaba abantu bageze ku icumi barabatanze.(inaudible) nkavuga ko ndi Représentant légal kandi niko nanashatse kubikora narikwifatira izina ry'abantu cyangwa se amazina y'abantu nti njyewe ni aba nemeye ndi Représentant légal nkabajyana kwa Président. Ibyo nagira ngo nkumenyeshe ko ari abakorana na Président nabaha... nabahakaniye ko ubwo buryo budashobora gukora niba bagira ngo mbikore kugira ngo noneho babone uko ibyo bya MUGENZI bihita? Nabahakaniye ko ntashobora kubikoresha. Nkaba mbona ko utakwitazwa ngo uri Représentant légal noneho ngo wikorere ibyo ushatse mu mashyaka uzi ko ishyaka rifite abayoboke ntiwibagire ko ishyaka rifite n'abandi bantu bashobora kurivuganira. Bityo rero nkaba nibwira ko iyo Démocratie itatwemerera kongera kuzana igitugu. Ikindi nongera ho rero ikindi nongeraho ndagira ngo mbibutse ko amasezerano ya Arusha ntaho ateganya Abaprésidents b'amashyaka ko ngo aribo bagomba gukora iby bishakiye bagatanga abakandida uko babashatse kandi bakabatanga ku ngufu, ibyo rero bitumye nkwbutsa ko ku itariki ya gatatu z'uku kwezi kwa gatatu turimo mirongo icyenda na kane Yusitini MUGENZI yanyohereje ibaruwa ambwira ati ni njye ugomba kuba Ministre w'ubucuruzi n'inganda mu Rwanda, ati Madame Agnès NTAMABYARIRO niwe ugomba kuba Ministre w'ubutabera. Ibyo bintu ngo abikora akurikije inama yagiranywe kandi igakoreshwa na Président wa Repubulika ku itariki ya makumyabiri na karindwi nkaba nibwira ko Président wa Repubulika adashobora kurwa mu mutego nk'uwo ng'uwo. Nta masezerano ya

Arusha ateganya ko umuprésident w'ishyaka agena imyanya kuri ubwo buryo. Nta naho kandi ateganya ko Président w'igihugu nawe abikora kuri ubwo buryo. Bityo rero nkaba nibwira ko uwushobora kubikora ni Ministre w'intebé wa Guverinoma w'Inzibacyaho yaguye atoranije abo bantu ku malistes cyangwa se kuri liste yaba yahawe nabo bantu. Nabyo rero MUGENZI ntabwo rero MUGENZI aribyo akora we arakora ibyo yishakiye kandi agashaka kubikora ku ngufu bityo ngasanga tutabyemera.

.....28.5.

Orateur : Journaliste de Radio Rwanda.

Ariko rero nti Nyakubahwa Ministre w'intebé ayo masezerano nyene avuga ko abo bahagararira amashyaka mu nzego z'ubutegetsi batangwa n'amashyaka bikumvikana neza ko ayo mashyaka afite n'abayahagararira abarwanashyaka bobse bose batanga amalistes?

Orateur : Faustin TWAGIRAMUNGU.

Ibyo ng'ibyo ni ibyo wivugira kubera ko Abanyarwanda babyumve neza kurushaho nkaba nizera yuko utabivuga we nda ushaka kuvuguruza ibyo mvuga....

Orateur : Journaliste de Radio Rwanda.

Oya ndabivuga kugira ngo nyine kugira ngo wa mugani Abanyarwanda baduteze amatwi ntihagire ikintu basigarana ikintu cy'igihuho mu mutwe.

Orateur : Faustin TWAGIRAMUNGU.

Eee.. birumvikana ko ibyerekeye ishyaka PL ntakwirirwa mbisubiramo. Ubu ni inkuru ishaje mu Rwanda bazi ko hari ibyo bita PL MUGENZI n'ibyo bita PL NDASINGWA. Ibyo rwose ndumva ntakwirirwa mbisubiramo. Niba bivurwa gutyo rero na Président akabyumva atyo urumva ko abakandida bazatangwa na nde? Urumva ko abakandida bazatangwa ku myanya

y'Ubuministre bazatangwa na Yusitini MUGENZI gusa? Ko bazatangwa na Yusitini MUGENZI abandi bagatangwa na Landuwaridi NDASINGWA. Niba byumvikanye gutyo rero nkaba ngira ngo nabikoze ntyo ntabwo amasezerano ambwira ko ngomba kujya kureba Président w'ishyaka nkaba ariwe mbaza. Amasezerano ambwira ko ngomba kureba ibyo bita mu gifaransa " Les forces politiques" Ni ibyo nakoze.

..... 29.9.

Orateur : Journaliste de Radio Rwanda.

Eee hari abavuga rero ko buriya buryo bwo guhitamo bihuje imikubire n'inama zaguye zitangwa cyane nk'izavuga ko ku ruhande rwa Ministre MUGENZI bakwegukana imyanya ibiri muri Guverinoma hanyuma mu rwego rw'Inteko ishinga amategeko n'ubwo bitareba cyane Ministre w'intebé w'Inzibacyaho yaguye bakaba ku ruhande rwa MUGENZI babona Abadepites batanu ku ruhande rwa NDASINGWA bakabona batandatu. Mu gihe nyine ku ruhande rwa NDASINGWA bazabona abakandida ku mwanya wa Président w'inteko ishinga amategeko ndetse no ku mwanya wa Vice-Président w'intako ishinga amategeko none rero nka Yusitini MUGENZI akaba asanga imyanya ibiri yose mu rwego rwa Guverinoma yegukanywe no... (coupure).

..... 30.6.

FIN DE LA FACE A.

FACE B.

Orateur : Journaliste de Radio Rwanda.

.... mubuteganije mute?

Orateur : Faustin TWAGIRAMUNGU.

Ndagira ngo abatwumva bumve mu by'ukuri Abanyarwanda kugira ngo imitegekere n'imigen....reze y'ishyaka tuyivemo ndumva bizagorana cyane. Bene ubwo buryo ni uburyo bw'ishyaka rimwe ni uburyo mu by'ukuri umuntu yakwita ko ari uburyo bw'igitugu. Ibyo bintu muvuga cyangwa se ibyo ng'ibyo bavuga, ndumva ko atari mwebwe mubivuga abanyamakuru ntaho biteganijwe. Kabone n'yo byaba ari inama nta na busa ntaho biteganijwe mu masezerano. N'uwbikora yabikora rwihihwa ntabwo yabishira ku mugaragaro.

..... 1.1.

Akavuga ko cyangwa se bikavurwa n'abo banyamashyaka ubwabo bo muri PL ko ariko babyumvikanyeho ariko kuvuga ngo hari uwabitegetse ngo bigende bityo ntabwo byashoboka. Ntabwo byashoboka kuko ntaho biteganijwe n'amasezerano. Bene iyo mibare ngira ngo ntaho iri. Icyu kabiri ngira ngo nongereho kuri icyo kibazo umaze kubaza ni uko Ministre w'intebe wa Guverinoma y'Inzibacyuho yaguye agomba guteganya n'ugutoranya mu bakandida ahawe agateganya avuga ati aba bantu njye ni bo mbona nkuko nabahawwe bashobora kuzamfasha kugira ngo tuyobore neza iyi Guverinoma y'Inzibacyuho yaguye. Ntabwo rero umuntu ariwe uvuga ngo njyewe ndumva nifuza ko naza nkagufasha ku ngufu cyangwa se dore umuntu nguhaye ku ngufu azagufasha bibaye ibyo ntaho twaba tujya. Nkagira ngo nkubwire ko abantu batekereza (inaudible) byo kuvuga batu Président wa Repubulika yantoranije ni jye ugomba kuba Ministre ni ibyo. Eee.. Cyangwa se ee.. Président wa Repubulika yamfashe ampawe na kanaka kandi numva mu by'ukuri ibyo bintu twarabihakiwe noneho twabigezeho. Nkaba rero ngira nti ngo ubwo buryo buve mu Banyarwanda kubera ko atari bwo amasezerano ateganya. Nongere nibutse kandi ko aya masezerano tugenderaho ari itegeko nshingiro ry'igihugu ubu ngubu. Ntabwo rero tugomba kunyuranwa nabyo. Abashaka kunyurana nabyo ubwo bafite uko bazabisobanura.

Orateur : Journaliste de radio Rwanda.

Ibyo byo amasezerano tugenderaho wa mugani ni..niryo tegeko nshingiro ry'igihugu ariko muragira muti Ministre w'intebe ahitamo mu bakandida ahawe none mu gihe Yusitini MUGENZI nawe avuga ati uriya mukandida Ministre NIYOYITA Aloyizi si njye wamutanze

abantu bakwibaza nyine abaduteze amatwi bakwibaza mwaba mwaramuhawe na nde?

Orateur : Faustin TWAGIRAMUNGU.

Ndagira ngo nongere ngusobanurile kandi byongere byumvikana ahari neza kurushaho.

.....3.0.

Orateur : Jean Baptiste BAMWANGA. Journaliste de radio Rwanda.

Yego!

Orateur : Faustin TWAGIRAMUNGU.

... ko Abanyarwanda, Abanyarwandakazi, abarwanashyaka b'ishyaka PL ubu bazi neza ko iryo shyaka ritagifite ubwo bumwe ukomeza kuritsindagiraho. Bavuga ko iryo shyaka ritakiyoborwa na Yusitini MUGENZI wenyine. Iryo shyaka rifite ibice bibiri biriyobora ndetse sinakwirirwa mvuga ko harimo icya gatatu ahari cyavutse. Bikemezwa rero bityo niba uvuga ko ngo hari inama yabaye bakavuga bati batanu nibajye kwa kanaka, batandatu nibajye kwa kanaka, umwe ni ajye kwa kanaka, babiri ni bajye kwa kanaka. Bibaye hamwe kandi benebyo barabyemeye ka harimo ibice bibiri. Ntabwo rero ibyo kuvuga ngo Représentant légal ngo niwe ngo ukivugira iryo shyaka we nyine ibyo byararangiye. Nkaba rero n'ubu ngusezerera ko Abakandida twabahawe n'ibyo bice bibiri.

Orateur : Jean Baptiste BAMWANGA.

We avuga rero ko ndavuga Yusitini MUGENZI ko icya mukura kub'ubureprésentant légal ari imanza zakemurwa n'inkinko zonyine.

Orateur : Faustin TWAGIRAMUNGU.

Eee.. ibyo ntabyo najya mubyerekeye ama gestions y'ishyaka njye ndakurikiza ibyo nakoze

K0147835

20

kandi nkabikora ndi kuru... nkurikije ariya masezerano ya Arusha cyane cyane nshimikiye ku ngingo ya mirongo itanu na kabiri. Ubwo niba MUGENZI ashobora kwerekana ko iyo ngingo ya mirongo itanu nakabiri ntayikurikije azaba rwose atsinze. Ikindi cya kabiri niba hari ahandi yashobora kuba yabona indi ngingo yamurengera kuri ubwo buryo na none azaba atsinze. Icy a gatatu niba ashoboye gukomeza kwemeza rubanda ko ariwe ukiyoboye ishyaka we nyine ku buryo Abanyarwanda ariko babifata ubwo na none azaba atsinzwe, azaba atsinzwe ubugira kabiri kubera ko atazatuma na nonoho na bya bindi avuga ngo bamukoreye bamweza ko azatanga Abadepite batanu nabyo atakibyemera, kuko niba yarabyemeye mu by'ukuri ntiyemeye ko iryo shyaka ritagifite ubumwe bashaka kuvuga.

..... 5.0.

Orateur : Jean Baptiste BAMWANGA.

Eeee..hari abavuga ko nyuma y'itangazwa ry'ariye mazina ee.. ko ibibazo bitaba biri muri PL gusa ndetse ko yenda no muri PSD haba hari (inaudible) b'ababyakiriye neza bitewe n'uko congrès ya Butare n'ubwo yari yavuze ko muzahitamo ngo yifuzaga ko Ministre yaba UWIBAJIJE Sylvèstre uyu mu Ambassadeur u Rwanda rufite i Bujumbura ko no muri MDR haba hari ikintu cyo guhigima. Sinzi niba mwamenye uko babyakiriye mw'ayo mashyaka yombi ndavuga MDR nyine na PSD.

Orateur : Faustin TWAGIRAMUNGU.

Ndagira ngo bamwe bashaka kuba abavugizi b'amashyaka muri iki gihe baba babyihoreye. Kuva kandi hejuru kugeza hasi bose. Haba muri Présidence ya Repubulika haba muri za Ministères, haba se mu mashyaka ubwaho nta muntu n'umwe ubu ng'ubu ufite uruhusa rwo kujya kuvugira ishyaka bajye bareka ishyaka ryivugire ibyaryo. Ibibazo bya PSD nta muntu n'umwe ugomba kuyivugira. Numvise itangazo ryatanzwe kuri Radiyo, ee...hari izi Radiyo zikunze kuvuga amakuru y'impuha, numvise ngo hari itangazo ryatanzwe abantu bavugira ngo PSD, ngo

harimwo ibibazo ndetse menya hari na MDR, ibya MDR noneho bayibagiwe kuyivuga.

Eee..... ikindi numvise ngira ngo nta rindi shyaka nashoboye kumva ariko ibya PSD numvise babyibandaho cyane. Ibibazo bya PSD rero babyihorere ntacyo njyewe nabona mbivugaho nzagira icyo mbivugaho ninumva hari umurwanashyaka w'ishyaka wa PSD wanyandikiye akambwira ati ibi ng'ibi ntabwo ariko tubibona naho kugira ngo njye kuvugira kuri Radiyo mvuge ibantu ntigeze numva kandi nzi ko imishyikirano yakoranywe n,abo tugomba kuyikorana dushobora kuba twarabivuganye ntawuvuga ko amashyaka adafite ibibazo ntabwo tukiri kimwe na rya shyaka rivuga ngo ntirifite ibibazo.

.....7.2.

Ibyo muri MDR rero nkaba ngira ngo iryo shyakya abantu bamenye ko rifite abantu bariyobora kandi mbona bariyoborana ubwitonzi. Bityo rero nkaba ngira ngo ibyakozwe muri MDR byakiriwe neza kandi byaturutse ku byifuzo by'abarwanashyaka benshi bituruka no kuri liste bitangiye ubwabo. Ndumva rero aho ngaho nta ngingimira bagombye kugira kubera ko nta wababwiye ku ngufu ngo nibatange ariya mazina, ariya mazina byatanze babishatse kandi babikora babivanye ku mutima bemera ko na Ministre w'intebé wa Guverinoma y'Inzibacyuho yaguye ukomoka muri iryo shyaka afite uburenganzira bw'ugutoranyamo uko abyumva.

Orateur : Jean Baptiste BAMWANGA.

Ku magambo rero mwakoreshje ejo mushyira ahagaragara amazina y'abakandida Ministres hari abavuze ko mwagiye mukoresha amagambo amwe n'amwe n'amwe aremereye nko gusinya bashinyirije, cyangwa se bahumirije, nko gucabiranya, eu...nk'inzibabukene ni... n'andi magambo nkayo ndagira rero mudusobanurile mwe mwabwira abatwumva impamvu mwagiye muhitamo amagambo nkayo.

Orateur : Faustin TWAGIRAMUNGU.

Eee.. ariya magambo sinyahitamo kubera ko ntala nayatekerejeho, ndagira ngo nkubwire rwose

ko mba ntayatekerejeho kandi nkabona ariyo magambo abereye Abanyarwanda kugira ngo basobanukirwe na politiki. Abantu benshi bakunze kwiyita ngo ni ba Intellectuels twe rero iyo tuvuga ntabwo tuba tubwira aba intellectuels cyangwa se ngo dukoreshe amagambo asa n'ayo gusenga. Tugomba gukoresha amagambo yumvikana kandi abaturage bumva kuko mu by'ukuri abaha ishusho y'ibyo dushaka kuvuga. Nkaba rero ngira ngo ibyakoreshejwe ibyo gucabiranya, ibya koreshejwe byitwa imibare, n'ibyakoreshejwe byitwa amayeri ibyo byose ni ibintu Abanyarwanda basobanukiweho kandi bituma bumva neza n'icyo dushaka kuvuga. Ikindi cya kabiri navuga ku byerekerye n'ayo magambo ngo n'ibyerekerye n'ugusinya ngo bahumirije cyangwa se bashinyirije. Ndagira rero ngo nkumenyeshe ko ku itariki ya kane z'ukwezi kwa munani umwaka w'ighumbi kimwe magana cyenda na mirongo icyenda na gatatu Arusha Président wa Repubulika yabwiye Abanyarwanda bose abwira n'amahanga bamwumvaga icyo gihe ko ukuboko gushyize kuri ayo masezerano atari ukwe ari ukuboko kw'Abanyarwanda icyo nshaka kwibutsa ni iki se?

..... 9.7.

Ni ukwibutsa Abanyarwanda twese twashize umukono kuri ariya masezerano ko tutayasinye twirengagije ko afite akamaro. Ntabwo rero twabona amasezerano yashizweho umukono, yashizweho umukono kuri iyo tariki kugeza ubu abantu bakomeza kuyirengangiza bikorera ibyo bashaka kandi twaryasinyiye twese nibakanguke rero nibahumuke nabwira politiki ya Sakindi ngo izabyara ikindi twebwe dushobora kuyishigikira amasezerano agomba gushyirwa mu bikorwa kuko twayasinyiye ni tubyubahirize.

Orateur : Jean Baptiste BAMWANGA.

Eeee.. Mbere yuko turangiza ndagira ngo mbabaze ee... ikibazo ntekereza ko abaduteze amatwi nabo bibaza. Eee... murasaba ko bitarenze ku wa mbere Guverinoma y'u Rwanda na FPR bazaba bumvikanye kumunsi inzego zigomba kugiraho none hakaba hari abo nyene bahigima ntitwavuga umubare kuko nta...wababaze ariko haramutse habaye izindi ngorane murumva musigaranye ubuhe buryo bwatuma nyine inzego z'ubutegetsi bw'Inzibacyuho cyane

Guverinoma ziyaho?

Orateur : Faustin TWAGIRAMUNGU.

Eu..... nagira ngo kuri icyo kibazo ijambo wita guhigima wakomeje kurikoresha, abo bahigima ni ba bangahe? Hari imiliyono zirenga indwi z'Abanyarwanda zitegereje ko amasezerano yashyirwa mu bikorwa, abo bahigima bangana iki? Ni bande?

Orateur : Jean Baptiste BAMWANGA.

Navuze ko tutamenya nyine ku...kuvuga umubare kuko (inaudible)

.....11.2.

Orateur : Faustin TWAGIRAMUNGU.

Ni bajya ahagaragara BAMWANGA,

Orateur : Jean Baptiste BAMWANGA.

Yego!

Orateur : Faustin TWAGIRAMUNGU.

...abo bantu ni bajya ahagaragara, nibajye ku muhanda bagaragare, baboneke amahanga ababare, tubamenye ko ari bo bashyize igihugu mu gihirahiro. Ikindi rero icyerekeranye n'ijo tariki si igitangaza. Iminsi yose uko yagiye ibarwa, uko yagiye itangwa n'amahanga igatangwa n'umuryango w'abibumbye indi minsi igatangwa n'ikigega mpuzamahanga, kigatangwa na Banke y'isi yose. Iyo minsi yagiye irenga ukagira ngo iki gihugu nta bayobozi gifite, Abantu bagiye kujya mu kaga kubera ko tudashobora gufata ibyemezo ngo hari abahigima bahigimira ba

nde se? Nkaba rero nibwira ko itariki natanze yo kuri makumyabiri n'imwe si itariki ntarengwa ariko bishobotse Guverinoma y'u Rwanda na FPR bashire mu gaciro bashake itariki bayumvikaneho n'umukuru w'igihugu.

Bityo, abantu barahizwe maze izo nzego zishyirweho. Nta kindi nsaba kuvuga rero ngo niba itubahirijwe bizagenda bite bizagenda bite se nyine? Numva Abanyarwanda ubu ng'ubu bagomba guhaguruka bagashyira mu gaciro. Ntabwo udutsiko tw'abantu cyangwa se abantu bamwe batishinze amasezerano bakomeza kuyatobatoba uko bishakiye barengagiza bikoza hirya bikoza hino ngo abantu babibemerere. Niba mbega amasezerano adashobora gushyirwa mu bikorwa byaba byiza ko abantu babivuga ku mugaragaro. Bati turasanga ibyiza ari uko atashirwa mu bikorwa turashaka intambara. Ariko abantu bakava mu gihirahiro. Noneho bagategera bakayirwana, bakayitsinda cyangwa bakayitsindwa. Nayo ubundi mu ndumva by'ukuri tutakomeza kujya muri bene uwo mukino wo kuko umukino nk'uwo nguwo uzaruha igihugu mu rwobo kandi kuzakivanamo ndumva bizagorana.

.....13.0.

Orateur : Jean Baptiste BAMWANGA.

Yee.. narimfite ikindi kibazo kimwe ngira ngo turangirizeho mu magambo ejo mwavuze mwasabye ko abanyepolitiki kugira ngo ibintu bitungane bagendera kure amashyaka nti babyivangemo. None mwe mwashinzwe kuyobora Guverinoma y'Inzibacyaho yaguye kandi Abanyarwanda twese turifuza ko iyo Guverinoma yajyaho murumva muzagendera kure mute amashyaka cyane cyane iryanyu bwite kugira ngo ubutegetsi bwa Ministre w'intebé butavaho bwakwivanga ee... n'ubwo umunyamashyaka.

Orateur : Faustin TWAGIRAMUNGU.

Eeee nagira ngo nibutse ko navuze ko mu by'ukuri ko hari abantu abafashe amashyaka bakayagira ngo iyi ...(inaudible) ntigira ibivuzo. Ibyo nibyo amashyaka urebye ukuntu yifashe

K0147840

25

muri iki gihe ntabwo biteye isono ahubwo biteye agahinda wibaza rero ukomeje bitya aho aya mashyaka yagarukira tukaba rero twibwira ko ababifitemo inyungu bo babireka njyewe nta nyungu mbifitemo kubera ko numva ko amasezerano ya Arusha agomba kubahirizwa. Buri wese yaba FPR yaba MRND yaba andi mashyaka ni bumve ko hari imyanya y'Abadepite n'imyanya y'Abaministres bahawe n'ayo masezerano gushaka rero gukurura abandi bantu ngo ugenda wongera ngo ku mubare wawe kubera impamvu ufite kandi udasobanurira Abanyarwanda ibyo biragoranye. Njyewe rero nta ngorane mfite kuri icyo kibazo. Amashyaka niba ubu ng'uba nya(inaudible) mbyemererwa n'amasezerano. Abatemererwa ibyo n'amasezerano ya Arusha nibabireke nibabyihorere maze urebe ngo amahoro arahinda.

Orateur : Jean Baptiste BAMWANGA.

Eeee! Na none ngo muri iryo jambo mwagejeje ku Banyarwanda ejo Nyakubahwa Ministre w'intebi inyuma yaryo hari abantu twagiye tuganira baravuga bati Ministre w'intebi TWAGIRAMUNGU Fawusitini yavuze abandi we asa n'uwigira umutagatifu. Mwavuga iki kuri iyo mvugo y'abo bantu?

..... 15.1.

Orateur : Faustin TWAGIRAMUNGU.

Eeee ngo yavuze abandi ngo we yigira umutagatifu. Ibyo ntabwo aribyo. Nta n'uwigira umutagatifu ubundi ni uko asanzwe ari mu madini ngira ngo abantu bashinzwe bene ayo madini nibo bagusabira ahari bwaca bakazavuga ko uri umutagatifu. Ni baba babona ko ntari umutagatifu muri iki gihe bakabona ko nzaba umutagatifu mu gihe kizaza ubwo bazabingirire. Eee... gusa ee... ibyo navuze ni ibyo navuze kandi mbivanye ku mutima ntabwo dushaka kwoga mu mashyaka njye ntabwo nshaka kwoga mu mashyaka. Ikindi ntabwo nanga ko amasezerano y'amahoro yashirwa mu bikorwa. Icy a gatatu ni uko amasezerano y'amahoro ashyingiye cyane cyane kugira ngo habeho ubwumvikane mu Banyarwanda ngira ngo ni nacyo yashiriweho umukono. Ibyo nabyo ndabishigikiye nifuza ko Umunyarwanda aho ari hose yaba Umuhutu,

yaba Umutwa, yaba Umututsi nibagire ikintu kimeze n'ubusabane ni bumvikane ariko bareke umwiryane. Nkaba rero mu by'ukuri niba ari byo bita kutaba umutagatifu ubwo ahari umenya nta...(inaudible) ariko nkaba ngira ngo mu rwego rwa politiki nubahiriza kuva natangira politiki inshingano nakomeje kwicengezamo numva nageza ku Banyarwanda, ni byo nkurikiza. Ababikunda bazabyemera, ababyanga ubwo ntabwo bazabyemera kandi ngo turi muri Démocratie ubwo ni bwene bwabo.

Orateur :Jean Baptiste BAMWANGA.

Ng'ibyo rero. Ejo nibidushobokera tuzabashakira n'abandi banyepolitiki ndetse n'abahagarariye umutwe wa FPR Inkotanyi nabo tubabaze icyo batekereza ku byatangajwe na Ministre w'intebé w'Inzibacyuho yaguye. Murote Imana mwari kumwe na Yohani Batisita BAMWANGA.

.....17.0.

Orateur : KANTANO.

Ni uko Inkotanyi zaceneye mu bazungu na LANDO agacengera mu bazungu yenda abifashijwemo n'umugore we w'umuzungukazi w'umunya Québec (inaudible) ubwo yaramufashije none rero bamaze kwemeza ko Ministère y'ubucuruzi n'inganda ntabwo ari iya MUGENZI n'igipande cya LANDO. Ministère, Ministère yaa... ee.. Ministère y'ubucamanza ee.. Ministère y'ubucamanza y'ubutabera nayo ikaba iyo Umututsi wo kwa LANDO. Hanyuma MUGENZI we bakamuha we ya Ministère bavuga ko ari igiporoporo MINITRASO. LANDO we yavuze ko ari igiporoporo ukuntu rero babwiye abazungu baravuze bat " Bazungu mwese ni mudushygikire kuko ni tutabona ubucamanza Abahutu bazahisha ibintu byose badukoreye kandi no muri iyi Nzibacyuho ntitubone ukwo twa... twabaho twacengeza ibitekerezo". Nuko noneho abazungu baravuga bat ni ibyo MUGENZI agerageje kubaza abo bazungu muri Etats Unis za Amerika bat ni ibyo wacererewe bat ni uko bizagenda, bat nta kundi. Ikibazo rero ni ukumenya niba koko iki gihugu nubwo ari igihugu gito gikeneye imfashanyo nk'ibindi, nonese tugiyе kwemera yuko abazungu arivo badutegekera bafatanyije n'Inkotanyi. Hanyuma se rubanda nya

mwinshi koko iremeye ubutegetsi ubwiguriye Abatutsi ngo ni uko bitwaje Inkotanyi nazo z'Abatutsi gutyo gusa. Ndaeka yuko ari ikintu cyo gutekerezaho bibaye ibyo se amaraso ingabo zacu zamenye zirwana k'ubusugire bw'ighugu ngo Inkotanyi zitacyigarurira n'intwaro. Amaraso abahutu bamenye muri mirongo itanu n'icyenda amaraso biyushye bagira ngo bahirike ingamo ya cyami ibyo byose byaba bipfuye. Ibyo aribyo byose. Nibiramuka bigenze gutyo Guverinoma ikajyaho gutyo birumvikana ko ibyo mu Rwanda bizaba bibaye nk'ibyo i Burundi cyane cyane yuko abantu b'ibu... ababikorera i Burundi bashaka kugira ngo banangire mu Rwanda naho bashyireho Guverinoma idashobotse iyo nayo y'Inkotanyi, n'i Burundi naho bashireho iyindi kuko n'ubwo coup d'Etat yaraye irase ariko eee... mu minsi mike bazaba bayigezeho hanyuma noneho banangire noneho abazungu babone uko bajya muri Zaïre iyo nkuru turayigarukaho ariko rero murumva uko ibabaje ni uko imeze.....(coupure)

..... 19.8.

Orateur : Non Identifié.

..... tugambiriye gukoresha imyigaragambyo itemewe n'amategeko mu gihe twitegurira ishyirwaho ry'inzego z'ubutegetsi bw'Inzibacyuho yaguye tariki ya makumyabiri n'eshanu Werurwe nkuko byemejwe n'impande zose. Ministre w'intebé aributsa Abanyarwanda ko bene iyo myigaragambyo ibujjwe kandi ko igomba guseswa nta zindi mpaka. Niyo mpamvu Ministre w'intebé asabye abashinzwe umutekano w'abantu n'ibintu gukora akazi bashinzwe kugira ngo baburizemo iyo migambi. Ministre w'intebé arasaba Ministre w'ingabo, Ministre w'ubutabera, Ministre w'ubutegetsi bw'ighugu n'amajyambere ya komini gukora ibishoboka byose kugira ngo umutekano w'ibintu n'abantu udahungabana. Ministre w'intebé aributsa kandi Abanyarwanda bose ko ishyirwaho ry'izo nzego ari intambwe ikomeye mu kubahiriza no gushyira mu bikorwa amasezerano y'amahoro bityo arasaba buri wese ituze no kwima amatwi uwari wese washaka kumushora mu bikorwa bigayitse byo kuyatambari.... Iri tangazo ryashyizweho umukono na Ministre w'intebé UWILINGIYIMANA Agata.

Orateur : Non Identifié.

..... rivuye muri Minisiteri y'ububanyi n'amahanga. Itangazo rya mbere twagejejweho na Ministre w'intebé Madame UWILINGIYIMANA Agata riragira riti:

Hakurikijwe ingingo ya gatanu na munani y'amasezerano y'amahoro yasinyiwe Arusha muri Tanzaniya tariki ya maku... ya kane Kanama mirongo icyenda na gatatu maze kubonana, kubonana na Nyakubahwa Président wa Répubulika tariki ya makumyabiri na kabiri Werurwe mirongo icyenda na kane, akanangariza ko yiteguye ku mugaragaro ko yiteguye ku buryo budasubirwaho kurahiza abazaba bagize inzego z'Inzibacyuho zihutirwa ari izi zikurukira inteko ishinga amategeko na Guverinoma y'Inzibacyuho yaguye uwo munsi Président wa Repubulika yihitiyemo kandi umunogeye ni itariki ya makumyabiri na gatanu Werurwe mirongo icyenda na kane. Akimara nkuntangariza ku mugaragaro mu mibonano...mu mibonano nababwiye haruguru nihutiye kumenyesha abayobozi ba FPR Inkotanyi twagiranye amasezerano y'amahoro barawishimira kandi barawemera n'ijwi Ministre w'intebé Madame UWILINGIYIMANA Agata aragira ati "Nejejwe nokongera gusaba Abadepite bavuzwe mu itangazo nagize ku Banyarwanda tariki ya cumi n'icyanda Werurwe mirongo cyenda na kane. Hiyongreyeho Bwana GASHUMBA Pascal yasimbuye Nyakwigendera SAFARI Emile wo muri PL Parti Libéral kuza kurahira tariki ya makumyabiri na gatanu Werurwe mirongo cyenda na kane saa mbiri n'igice za mu gitondo. Iryo ryari itangazo rya mbere Ministre w'intebé Madame UWILINGIYIMANA Agata yatugejejeho irindi naryo nirya Madame UWILINGIYIMANA Agata Ministre w'intebé riragira riti amakuru atugeraho aratumenesha ko hari udutsiko tw'abantu tugambiriye gukoresha imyigaragambyo itemewe n'amategeko mu gihe twitegurira ishyirwaho ry'inzego z'ubutegetsi bw'Inzibacyuho yaguye tariki ya makumyabiri na gatanu Werurwe nkuko byemejwe n'impande zose. Itangazo ryo rya Minisiteri y'ububanyi n'amahanga twagejejweho na Dogiteri GASANA Anastase akaba ari nawe ari Ministre w'ububanyi n'amahanga riragira riti: "Minisiteri y'ububanyi n'amahanga n'ubutwererane itumiye Abaperefba Perefegitura zose n'Abadepite basanzwe kuza mu mihangi y'irahira ry'Abadepite bashya bagize inteko y'i...ishinga amategeko y'Inzibacyuho yaguye irimo na FPR n'rya Guverinoma nshya. Iyo mihangi izabera ku ngoro ya

K0147844

29

CND ejo kuwa gatanu tariki ya makumyabiri na gatanu Werurwe mirongo cyenda na kane saa mbiri n'igice za mu gitondo impapuro zibahesha uburenganzi

5

ra bwo kwinjira bazazifatira kuri Minisiteri y'ububanyi n'amahanga n'ubutwererane kuva saa moyo n'igice. Abanditsi b'ibinyamakuru byigenga biyandikishije abahagarariye imiryango irengera ikiremwa muntu hamwe n'abahagarariye amadini nabo basabwe kuzaza kuri Ministère kuri iyo saha gusaba impapuro zibahesha ububasha bwo kwinjira muri CND aho imihango izabera. Abatumiwe bose basabwe kuzaba bageze mu myanya yabo guhera saa mbiri...za mu gitondo, saa mbiri n'igice za mugitondo ni ukuvuga ejo ku wa gatanu tariki ya makumyabiri na gatanu z'ukwezi kwa gatatu. Itangazo ni rya Dogiteri GASANA Anastase Ministre w'ububanyi n'amahanga n'ubutwererane.

FIN DE LA FACE B.